

KERATAN AKHBAR

**26 MAC 2014
(RABU)**

Disediakan oleh



RM1.5j biayai 149 PAKK setahun

Oleh ANGELINA SINYANG
pengarang@utusan.com.my

MUKAH 25 Mac - Sejumlah RM1.5 juta diperuntukkan setiap tahun bagi membiayai operasi 149 Pusat Aktiviti Kanak-Kanak (PAKK) di seluruh negara termasuk 12 di negeri ini.

Menteri Pembangunan Wanita, Keluarga dan Masyarakat, Datuk Seri Rohani Abdul Karim berkata, pengwujudan PAKK adalah langkah tepat ke arah membina potensi kanak-kanak.

Katanya, kemudahan di PAKK termasuk pusat rekreasi dan sukan, perkhidmatan kaunseling dan kelas bimbingan kerja sekolah bertujuan membendung budaya tidak sihat dalam kalangan kanak-kanak.

"PAKK juga menyediakan fasilitator yang boleh menyalurkan khidmat kaunseling kepada ibu bapa dan kanak-kanak yang berhadapan dengan krisis sosial," katanya ketika berucap merasmikan PAKK Mukah di Taman Desa Ceria yang turut dihadiri isteri Ketua Menteri, Puan Sri Jamilah Anu di sini hari ini.

Menurut Rohani, antara punca berlakunya masalah sosial ialah ibu bapa kurang meluangkan masa berkualiti bersama anak-anak sehingga mereka kekurangan nilai kasih sayang.

Ini tambahnya, mengakibatkan kanak-kanak terdedah kepada gejala penganiayaan, penderaan, pengabaian dan menghadapi risiko ke-runtuhan akhlak.

Rohani berkata, ibu bapa atau anak-anak yang merujuk masalah



ROHANI Abdul Karim (duduk lima dari kiri) dan **JAMILAH** Anu (duduk tiga dari kiri) bersama kanak-kanak di Pusat Aktiviti Kanak-Kanak Bahagian Mukah, Sarawak, semalam. -UTUSAN/MOHAMAD GUSTIE NOORAMBAIA

kepada PAKK akan diberikan kaunseling dan nasihat sewajarnya bagi menangani masalah yang dihadapi.

Sementara itu beliau berkata, statistik tahun lalu mencatatkan 215 kes penderaan kanak-kanak, dengan sembilan program pencegahan

telah dilaksanakan bagi menangani masalah berkenaan.

Bagi tahun ini pula katanya, sebanyak 30 program telah direncana

bagi membanteras gejala berkenaan di samping mempertingkatkan perkhidmatan terhadap kebajikan kanak-kanak.